

社 聞

●九月十一例會情形 月之十一日。爲本社例會期。是日到者。僅朱君典五。陳君草澤。周君寅初。是日并無可議之事。先後叙談而散。

●九月十八例會情形 月之十八日。爲本社例會期。是日到者。陳君伯宏。吳君景山。何君貫俠。朱君典五。楊君敏達。李君君表。蒲君贊武。周君寅初。是日何君貫俠提議一條。（一議西省藤縣太平墟商務分會。定期月之廿四日開幕。該分會總理董事諸君。東請本社同人前往參觀。應舉何人蒞會同襄盛舉請議決。）決議如下（衆舉潘君貞廉。爲本社代表到會參觀。并上祝詞頌賀。）

●九月廿五例會情形 九月廿五日爲本社例會期。是日到者。陳君伯宏、何君貫俠、楊君敏達、楊君子江、陳君草澤、朱君典五、陳君星泉、周君寅初、是日何君貫俠提議一條、一議前期社書登錄特告。通知借款同人。允否將借款撥入會份。現各借款同人。均已公認撥入本社。前發出之借款收條。應否一律繳還發給會票請議決。）決議如下（衆議應以借款五元發一會票。以便開投時、將借款收條一律繳還。）

●同人預交基本金五誌 朱君雲臺。久有志本社。特托何君貫俠爲之介紹。已由是期入社。茲朱君以社款微薄。若實行設立社址。非經濟豐裕。必難達其目的。特輸其熱誠。預將五期基本金一次交足本社。其熱心維持慷慨輕財。實堪崇拜。按朱君乃是期新入社者。便能如是熱心。我同人閱之。能不勃然興起乎。

●入社二十六誌 茲何君貫俠。介紹朱君秉勛。（別字雲臺年十九歲順德古訓鄉人寓槩欄街謙昌銀號郵寄全）入社。又楊君敏達。介紹梁君祖樸。（別字威如年廿一歲順德桂洲鄉人寓十一甫新祥和洋貨號郵寄同）入社。均經調查清楚。社長認可。朱君已預將五

期基本金一次交足。梁君亦妥交第一期基本金。均由會計員發回收條矣。

●入社候查 茲楊君敏達。擬介紹揚君綸基。(別字肇文、年二十三歲。順德桂洲鄉人寓香港上環協吉正頭號)入社。又尤君堅操擬介紹潘萃梧。(別字翹鳳、年三十。順德冲鶴鄉人。現在惠州水東街安榮銀號)入社。除社長發調查外。合並登佈。

●認捐籌立社址款項十六誌 茲朱君雲臺。認捐銀二元云。如朱君者。可謂遇事輕財。能力匡吾社經濟之乏矣。若人人如朱君者。可斷社址不日成之。

●已交籌立社址款項十六誌 茲朱君雲臺。已將認定捐款。如數照交會計妥收取回收條矣。

●映交相片二十五誌 茲朱君雲臺。已將相片交存會所矣。相片實為社員互相觀感之要件。未交者。盍請早交乎。

●認捐書費十三誌 茲朱君雲臺。認本年書費壹元云。社書乃本社之機關。同人之耳目。若無此書通達。非特同人對於社事如聾、如瞶。即本社之生命亦隨之而亡。我社員未認者。多有其人。深願同人勿惜此小費。救吾社之生命。曠同人之智識。斯不特社之幸。抑亦可促同人之進步也。未認者可一念及之。

●已交書費十五誌 茲朱君雲臺。已將認定全年書費。如數照交會計矣。朱君所認書費。隨捐隨交。其熱心真有過人者矣。

●踴躍認均益會者續誌 均益會決議實行開辦。社員踴躍認會。經誌前書。繼復有甘君長甫認三份。鄧君梓彬俞君愷儔各認二份。陳君星泉朱君雲台楊君子江劉君卓誠各認一份。是期共認得十一份。連前期五十六份。二共六十六份。另由正月大會各社員借款。共得一百一十元。除鄭拔文借出銀十元未交外。實得銀一百元。另除陳草澤呂襄武二君各

借出五元。已改作捐款。實得九十元。俾得會份十八份。連上總共得會份八十四份。所未足者只有有限耳。未認者。仍請通函社長補認。成此美舉可也。

●振興實業之獲利 陳君鏡湖。素抱振興實業主義。前經組織雙箭牌毛巾廠。業經成立大著成效。數誌前書。茲陳君更自出心裁。將各毛巾從新改良。色色俱備。美麗可愛。現已出世。深得社會歡迎。每打價銀竟漲至一元六毛有奇。尙應接不暇。同人多欲與購。惜定單太多。不敷交客。無以應同人之用。深以爲憾。聞陳君云自將毛巾改良後。較前獲利更多數倍云。

●太平商務分會開幕東請參觀 西省藤縣太平墟同人。發起商務分會。經紀前書。前該分會總理。吳君碩朋。董事勞君沛然。何君附齋等諸君。函致本社。定期月之廿四日開幕。東請同人前往參觀。本社月之十八例會。決定公舉潘君貞廉爲本社代表前往。井上祝詞頌賀。聞西省同人對於此舉。極形踴躍赴會云。該祝詞答詞。及當日情形。下期登錄。

●馬齊閱書報社歡迎何廿二君紀事 八月中旬何君貫俠告假旋里。爲馬齊閱書報社同人所聞。該社同人。素稔何君言論感人。和婉而切。特恭請何君到社演說。何君以情關社誼。于十六日偕全甘君長甫親踵各同人處叙談。言及社事備極慇懃。至夜寓居麥君仲英處。作長夜之談。翌日協同到閱書報社參觀。至午勞君沛然亦到。相與登台次第演說。座爲之滿。大意謂報紙與商業之關係。蠶業與商業之影響。演畢鼓掌之聲。如雷貫耳。至三句鐘茶會而別。

●社員丁憂又聞 順德調查員麥君仲英。於月之上旬。不幸丁父憂。本社無互通慶弔之例。同人與之稍稔。及戚誼者。多送輓聯致祭。以誌哀感。聞麥君甚滋悲痛。其尊翁身體素稱強壯。精神過人。聞耗者莫不太惜云。

●捐送書籍十誌 自會所成立後。同人多有捐送書籍以備研究。而增智識者。若提社款購買。現又社款微薄。斷難備購。所賴熱心同人盡情捐送耳。茲將是期捐出者。分列於下。朱君雲臺捐送萬國通商史提要。中西度量權衡表。萬國商業志。萬國商業歷史。中國國債史。中國商務志。中國學術思想變遷論。世界教育譚。人羣進化論。國民教育論。政教進化論。義務論。教育學。世界百傑略傳。最新商業實踐法。萬國商業地理志。飲冰室自由書。中國度支考。族制進化論。十九世紀大勢略論。揚子江流域現勢論。修學篇。泰西政治學者列傳。四裔制作權輿各一本。天演論二本。又何君少海。捐出巡警法令章程二一本。如朱何二君者洵足熱心哉。

●社址將成又恐失矣 前例會提議。吳君景山創辦米店。擬頂第六甫廣聯昌舖位。願將後座租與本社。經決議實行與租。登書佈告。以為本社今而後。得其所矣。存案一事。可以速行。乃現聞該店。欠項太多。攤派只得二成。各欠家均不願收。故恐有中變云。

少海案。會所為本社之總機關。而謀租之法。竟如是其難。現吳君該店。又恐成畫餅。鄙人又不覺觸前買屋之說。似較為易行。諸君以為如何。俟明年大會再研究之。現請同人于租地。力為圖之可也。

●鄧君鶴洲又倡辦濠江商務分會 濠江一埠。乃梧州藤縣商務繁盛之場。上達大滄江口。貴縣、柳州、南甯。下接梧州。前臨藤縣城。後通和平、太平、永安。誠商埠環聚之區。百貨萃會之藪。我同志鄧君鶴洲。經商於此。業已有年。自見勞君沛然創辦太平商會。已嘖嘖稱羨。爰向濠江商界。極力提倡。謂不結商團。則商戰終歸失敗。各商人大為動容。已有頭緒。適勞君此次返太平。路過濠江。各商人歡迎勞君登臺演說。不數日而集股幾八千金。當即遵章分別公舉會董總理。咸以蘇君達三。在埠營業卅餘年。商務均著成效。兼以

商情熟識。衆望素孚。故各董投筒。舉爲總理。該商會可稱得人。然蘇君者。乃鄧君之同事也。隨即委鄧君代表于梧州總商會。達部存案云。該埠商會得底于成。實緣鄧君提倡于前。勞君鼓吹于後。二君之力偉矣。

貞廉按。吾社名譽得遍傳西江流域者。皆賴勞君沛然旅桂後。創辦太平商會。而吾社之名譽一著。今鄧君鶴洲。又倡辦濠江商會。而吾社之名譽益彰。若二君者。可謂吾社之偉人矣。不敏。清夜自思。喜而不寐。用誌數言。寄我各處同志。想一般具勞鄧二君之才者。定不讓二君以獨步也。

●何君熙林又應濠江商會關聘。何君熙林。少年英俊。豪邁過人。年甫弱冠。已在督署稿房。南署承發房。兼顧兩席。主稿公文。翌年接受鄭軍門關聘。隨帥西征。帷幄運籌。頗稱得手。去歲在梧州商務局兼三江緝捕總局。位列關西。公事素稱嫻熟。前數年曾代各江輪船陳統領。條陳練兵事宜。先後具呈陶岑兩制軍。均蒙傳見嘉許。迨去年參助南海官山商會。得底成立。今鄧君以濠江商會。開辦伊始。條絮紛繁。其文案一席。非材能卓著者。萬難勝任愉快。爰特偕數商董來梧。關聘何君。然本非何君所願。但見各商董強之再三。且有同人鄧君之命。故勉爲担任。日間首途濠江矣。想何君夙具鴻才。定有一番建設也。

●第三期同人表已派。本社近因入社者日衆。故特從新將同人表刊派。現已案址分派同人矣。

●社員辭席。楊君敏達。前在祥安受職。近楊君因事務忽繁。常回鄉料理。誠恐有忝職守。已先行告辭。然仍寓于該號。同人如有函件。請仍寄該號轉交可也。

●正誤。前期社書社聞欄內。故特送扁額以慰其真誠而表揚名也句。揚誤楊。專件欄內。雙箭毛巾廠總理句。如雙箭毛巾句。均箭誤剪。社說欄內。又屆不遠句。屆誤居。抑爲一社。

計乎句。誤社字。及新入社者皆熱力句。脫者字。故鄙人以易社名而謂之曰句。謂誤請。又實爲世界競爭之絕大要點句。要誤劣。難與瀛環各國并齊駕驅句。難誤雖。又可限量耶句。可誤何。雜箸欄內。中秋感言題目下應加一續稿括弧。而復忍互相慶賀否也句。復誤後。則當協力先維持本社句。脫力字。詩歌欄內。驚喜各同志熱心實力句。喜誤善。抑見此社書喜而不寐歟句。歟誤也。純爲白李之精句。白李誤李白。祈各將社書改正可也。

●同人錄訛字更正 前刊發之同人錄內有訛字請同人照此注改可也(呂冠雄下新慶街慶誤作勝梁其祥下漏已酉舉任香港調查八字蒲永天蒲揚基下城東均誤作城裏徐百愷下城裏誤作城裏李之翹下大灣誤作人灣)

襄武附按僕前就鶴山商務分會之聘七月返邑現在敝商會尙未設有會所僕祇寄寓亦無定址乃月來接 同志諸君賜函有書交鶴山商務分會者以致郵差查交延誤實多尙乞 諸君時賜教言函面按照同人錄內住址填寫便可妥交矣

函 件

楊敏達佈告同志書

同志諸君足下。僕之苦衷。已見諸三十三期社書。不贅述矣。前蒙諸君舉爲書記。并充社書撰述。自愧任事以來。毫無善狀。放棄殊深。前因家政紛繁。屢告假鄉旋。近後賤冗雲集。難以常駐羊城。祥安一席。誠恐有忝職守。亦經告辭。現雖仍寓該號。然去留莫定。赴會難常。書記一員。關繫非輕。斷非草草了事者所能任。除面達社長。求另選賢能接充。以免貽誤社事外。特再登書佈告。復乞同志垂鑒。是所厚望。烏乎。此鄙人之不得已也。同志諸君。幸原諒焉。楊敏達謹佈。

社 說

對於中國今日生計之感言

贊 武

開嘗游大陸。覽五洲。與彼都人士相接洽。有謂予曰。子居中國。天時則占氣候之和煦。地利則占膏腴之沃壤。其間物物精華。舉夫飛潛動植。有數千百年不盡之利賴。爲萬國所不及。固應共推爲聲明文物之邦也。其登大舞臺上而與天下爭長雄。不亦宜乎。乃泊海禁一弛。時局異色。反至利權坐失。漏卮外溢。國計民生。日形支絀。種種失敗。實難縷數。以至今日海內騷然。民窮財盡。不特不能爭雄全球。且對之而反遜焉。吾千思萬索。而不可解也。子能知其故乎。

蒲子聞言。不禁神爲之奪。舌爲之結。幾不能對。嗚呼噫嘻。客之所云。是誠我中國今日之現象也。第我中國雖有土地二萬萬。占全球十分之一。人民四萬萬。占全球四分之一。然鑛產任其秘藏。沃土任其荒廢。商務不知振興。工藝不知考求。利源不開。利流不節。以致生計之困絀。誠不能爲中國諱矣。然此皆民智未開。未知研究。新理無所發明。遂至不能謀生計者。實比比也。如女學未興。徒手坐食。此不謀生計者一也。僧道與官吏。皆取食於民。此不謀生計者又一也。八旗長食名糧。不能耕種。此不謀生計者又一也。爲士者祇務帖括詞章之虛學。不知理財。此不謀生計者又一也。卽以爲謀生計之人。而無謀生計之道。如爲農者。種植未善。不足以備衣食。爲工者。製造未精。不足以給器用。爲商者。財力未厚。不足以通有無。則與不謀生計者。相去幾何哉。(未完)

商業述要(續前)

笑演輯著

第二章 各國通商起緣

中國之與各國通商也。各有起緣。不攷其端委。不獨不能知今日邦交之所由來。抑亦研究商業而無所憑藉也。凡事皆有起緣。能知其起緣。乃能知其究竟。吾儕研究商業。可不于此注意之耶。謹採諸家記載及近時檔案各說。舉其概以備省覽。

歐洲諸國。自古未通中夏。惟東漢桓帝延熹九年。大秦王安敦。遣使自日南徼外獻方物。載後漢書。爲見于史冊之始。攷之西史。大秦卽羅馬。一統之世。其帝奧利留安敦是也。至明正德間。法蘭西使臣自南洋滿刺加入貢。乃復見焉。時法人已奪滿刺加爲市埠。駕大船通市廣東。建城臺于澳門。葡萄牙繼之。言者以非制禮請驅逐。法去而葡以賄留。挈家居之。遂長子孫。荷蘭爭澳不得。乃据臺灣。其後意大利日耳曼諸國人踵至。皆以澳爲東道主人。至本朝。葡人居澳。仍其舊制。荷蘭之在臺灣者。已爲鄭氏(鄭成功也)所逐。康熙平臺之後。荷蘭首請通市。英吉利諸國相繼而至。乃通商于廣東。此海口通商之所由始也。

俄羅斯自明以前。與中國隔于朔漠。未通使命。順治十二年。始附貿易商人至京師奏書。康熙初。其東部所屬擾黑龍江。二十八年。遣使至尼布楚。與其使臣議定疆界。立約六條。許三年一次互市于京師。喀爾喀土謝圖汗部與俄羅斯接壤。其邊界之民。互相貿易。初未著于功令。五十九年。乃定布倫貿易之例。六十年。又定恰克圖爲常互市所。皆遣官監視。雍正五年。定界約十一條。乾隆二年。寧京師貿易。統歸恰克圖中間以事三次閉關。五十六年。復准開市。五十七年。庫倫大臣與俄議定市約五條。此陸路通商之所由始也。

廣東商船。以英爲最多。每至必以兵艦防護。嘉慶道光間。以關吏索規太重。屢生齟

餉。太府慮激變。率以調停結局。道光十九年。以查禁鴉片。飭令繳出煙土一萬餘箱。悉數燬銷。英人藉口稱兵。犯我粵閩江浙。我師屢失利。陷我廣州礮臺。及廈門定海鎮甯波乍浦上海鎮江等城。二十二年六月。兵船抵江甯城下。七月議和。訂約十三條。許以五口通商。(五口者。廣州福州廈門甯波上海五處也。)給以香港一島。償以烟價。商欠兵費洋銀二千一百萬圓。乃罷兵開市。(聞諸父老言。此事稱為鴉片之役。時林則徐為粵督。嚴禁鴉片。欲絕其種。乃下令洋人。如能獻烟一箱。則償以茶亦一箱。時中國茶大為西人所尙。不惜重資以購致之。而烟于是時本不甚有價值。洋人于此。乃盡以烟相獻。而官吏初亦以茶相抵償。後見洋人獻烟。愈獻愈多。繼到者尙不計其數。而官吏無茶以償。竭力于民家搜羅。仍不敷者幾數十萬箱。當時洋人。以已獻烟而無茶大為燥鬧。羣謂中國官吏。無信用于人。吾等蒙此欺騙大辱。必須回國興兵報復云。後卒罹是難。上言飭令繳出烟土二萬箱者。乃從中外大畧西教源流各書參攷。)以粵督為欽差大臣。(調葉銘深督粵)管轄五口通商事宜。當英之稱兵也。法美皆不預其事。且居間排解。江甯議定。法美援英例。請同在五口通商。粵督許之。俄亦附英美船舶至粵。粵督以俄國向在陸路通商。駁回。然各口屢有至者。吏亦莫由詰也。粵中舊例。洋人不准入城。咸豐六年。英領事之在粵者。以事欲入城見總督。不許。與兵攻城。不克。粵民集衆焚其舟。(英兵攻城下擾至泥城蕭岡等村。城北三元里各鄉義民。奮起擊走之。獲其酋。斬焚無算。詳見南番各縣誌。)七年。料法美俄三國之兵。合攻粵省。陷之。八年。四國各遣使臣乘舟至天津海口。英人闖入口內。毀我礮臺。要求和議。四國皆議新約。(咸豐八年五月十六日。在天津議定新約五十六款。在上海議定稅則暨通商章程十款。詳見各國立約年表。)于五口外增設牛

莊登州臺灣淡水潮州瓊州等口。及長三口。並增遣使駐京傳教。弛禁游歷內地諸條。 (後人論議新約之失。以保教爲最。) 俄則有清理疆界。陸路商務等條。以稅則必須親歷海口。相度地宜。令各國先回上海。一面派遣欽使至江蘇商議。乃在上海議定進口出口稅則。(見上注) 洋藥一欵。另議辦法。(此欵新約中已畧言之。謂洋藥一宗。威大臣議請本國准爲另定辦法。與他項洋貨有別。今英商于販運洋藥入口時。由新關派人稽查。封存棧房。或躉船。俟售賣時。洋商照則完稅。並令買客一併在新關輸納釐稅。以免偷漏。其應抽收厘稅若干。由各省察勘情形酌辦。見通商約章類纂。) 彼此畫押。由使臣齎回。守候國書前至天津。呈請互撰。(未完)

論今日商場競爭之劇烈

礎 伯

自瀛寰交通。洋貨駢闐。中國商場。賴爲減色。噫嘻。今不圖挽救。不第減色而已。余恐由減色而墮落。由墮落而傾危。至於傾危地位。其害伊胡底也。雖然。今日商場競爭之劇烈。亦勢使然。竊嘗論之。商場亦一爭存競勝之時。爲中國計。有五大要焉。

一宜聯絡商情也。夫中國向者重農抑商。商情不聯絡也久矣。今者始知商爲農工之樞紐。關乎國家之威衰。故有勸業道之設。商會之立。皆有振興商務之思想。識時者莫不爲前途祝矣。奈何商情渙散如故。豈非不知聯絡乎。然則聯絡者何在。其必廣設商會。俾知團體。互相維持。無傾軋。無嫉妒。如是則營業必易。商務必盛矣。此一大要也。

一宜創立商業學堂也。夫商情既聯。又不可無學。而學者凡人生第二生命也。如不學則事。事居人後。土物之所產。人情之所爲。港埠之遠近。路途之險夷。苟非力爲研求。末由洞悉。別今商場競爭之秋。欲操奇計贏。圖智爭巧。可不學乎。且今商品繁雜。種種色色。多不

易辨。非比較而參攷之。亦未由知其情僞。又可不學乎。故諺有之曰。不學無術。有商業學堂。則可講求物理。攷究商品。造就人才。培植商務。此又一大要也。(未完)

雜 著

外界之激刺談

敏 達

某廢物。余先父之故交也。性頑固。受職于羊城某號。以資格日深。得長保席位。因而乖僻自是。不知國家爲何物。不知公益爲何事。不知合羣爲何用。所謂甘與草木同腐者。某廢物有焉。余以先父故交。不敢忽之。于新歲及鄉旋必一踵候。每至。彼必儼然以世伯自命。畧爲教訓數語。其教人之意。皆以立志莫高爲宗旨。最可笑者。莫若謂偷能如我。定可保無失業之虞等語。余不屑與辯。而每含之。一日卒然邀余往。至則謂曰。聞汝結一協羣社。然乎。余曰然。某曰。結此社欲何爲。余曰。爲互相維繫。振興商務。某曰。在商場上不必以此打擾。余曰。方今競爭世界。不合羣何以自立。某曰。聞汝同人多染有嗜好。食洋烟者有之。終日留戀于花天酒地者有之。恐汝爲其所惑。余曰此大大不然。本社最重人格。同人如有此等嗜好。定必斥退出社。此社章所大書特書者。某君染此。已被斥退矣。某君染此。知社章所不能容。而已先自退出矣。現究不知何人染有嗜好。我若查確。定函達社長。發調查員再查。請明告我。俾得補調查員耳目所不及可也。某曰。此是風聞。若問何人。則非吾所知。總而言之。該社終必解散。若聽我言。宜先辭出。否則悔之難及。余曰。鄙人視合羣重于生命。此事決難聽從。請勿復言。否則不敢聞矣。某于是無言以對。少頃。余告出。自

思曰。此事頗可爲社書增一資料。因記之于篇。而告諸我最敬最愛之同人。敏達曰。某廢物之智識。誠特別者也。勸人立志莫高。其特別也一。勸人效己。自以爲地球上舍一己外無第二人。其特別也二。勸人解散團體。其特別也三。烏乎。彼之智識是誠特別哉。此等人格。本不足與辯。雖然。我同人其聽者。彼一則曰。(汝社同人多染嗜好。此是風聞。我同人其果有染嗜好否乎。有則改之。無則加勉可也。彼再則曰。(該社終必解散。此言雖謬妄。然足令人生無限激刺。使果不幸而言中也。則貽譏于外界。竊笑于他人。我輩其何以堪。深望我同人持以毅力。奮以熱誠。使本社永在世界上而不朽。則彼輩將崇拜我。欽羨我矣。寄語我同人。其書諸紳而勿忘。

中秋臥病記

嘯海

中秋節前之二日。壁上鐘鳴六下。晚膳已畢涼月未昇。忽有友造予而謂之曰。膳後炎熱。炭氣沖積。子何尙匆匆店事。不一往活處喚吸空氣乎。予曰。然。予正作是想。而恨無伴者。今得足下。誠天緣也。遂與携手出店。行行復行。不覺到一舊署。甬道長十餘丈。活近十尋。車馬往還樹木秀立。明月將滿。清風徐來。俯察仰觀。詢訐且樂。席地而坐者。高談而雄辯。跨馬而走者。揚鞭而疾馳。予與友於焉逍遙。披清風明月之襟。發人健馬肥之感。不覺樂甚。友曰。乘輿而來。輿盡而返。可以歸矣。予漫諾之。而足不之舉。蓋心尙戀戀。故足爲心繫也。既而佇未移時。樹木瀟颯。屋瓦鏗鏘。寒氣慄冽。砭人肌骨。明月依然。而遊人漸稀矣。予不覺毛骨悚然。手足戰慄。隨友共歸。而店內時鐘經已七指。適座客幾滿。紛紛赴手談局。予則復理店務。安若無他。倏至九句鐘。時身倦欲睡。予甚奇之。因予店每事夜

工。蓋不慣早睡也。惟力不能支。乃就枕沉沉睡去。友何時散。概不聞知。夜半漸醒。覺額上類刺。轉怯衣單。急以手撫額。又不自知其熱發。遂置復寢。乃竟不能成寐。至天明頭重不得起。適同人徐君鏡波。造予店就榻呼予曰。日已三竿何尚不起。予于帳裏不辨爲伊誰也。遂去被掛帳而望。知爲徐君。忽有所觸。曰。徐君盍與弟一診乎。弟心甚不安。實恐病矣。聞足下素善此。請勿秘。徐君乃愀然而驚。莞爾而諾。撫予額而按予手。旋嘆曰。蓋感冒也。予曰。誠然。得無昨晚予與友散步于舊撫署前爲所感耶。予歸時既覺寒慄矣。噫。予聽友言。盡興即返。則不至此。是何濡滯哉。徐君曰。無傷。一劑不愈再則無不痊矣。于是擬方囑予卽服。至夜病不少減。徐君又擬方服之。翌日漸愈。惟尚須節口。店伴職勞。調養不便。遂返眷宅。至十五寂坐無聊。長日只手社書以爲伴。是晚家人賀節。俗例杯酒團叙。予亦與然。食既。忽聞鼓鐘皆鳴。震于屋瓦。人聲鼎沸。如在空中。問家人曰。此秋聲也。胡爲乎來哉。家人答以故。始知鼓鐘人聲相與共慶而樂中秋之月也。忽心悄然。登樓扳櫺。見夫星旗招展。明燈滿天。或酣飲或醉舞。予不禁喟然嘆曰。業精於勤荒於嬉。今之時何時耶。當此商戰學戰時代。不知節浮費。革陋俗。以求勝於藝業之場。而乃孜孜之于無謂之舉動。噫嘻。予不欲觀之矣。于是旋步下樓。而狂風疾來。足爲所搖。至夜半而病又復作也。予又以前方服之。乃覆杯而愈。至二十日爲本社特別會。予正復康。始復進膳。惟責任所負。又恐詒人以東方病夫之誚。因強疾赴會。及詣會所。見陳君文田。將社書紛紛號寄。詫詢其故。而知盧君偉民。亦患病未愈也。蓋分寄社書爲盧君熱心擔任者。而二十之會。乃無効矣。其時在座。亦有數君。談論社事。均頗暢適。惟紅日當午。炎氣逼人。汗涔涔下。巾衣盡濕復乾。病根藉機而萌蘖。時鐘四鳴始散會返店。適有數友邀往酒樓。而把杯狂論。樂爾忘憂。病遽益劇。至晚強欲支持店事。弗克把管。復搜前方服之。皆不應。病日加

殆。偃仰牀蓐。淹忽數日。乃大恐。又請徐君臨視。詫曰。是病外感而食沸。非前方可愈矣。再爲換方令服。翌日豁然。乃謝徐君而告我同人曰。今而知自用之必敗。頑錮守舊之誠不可爲也。今而知舍短從長。取精用宏。辨之不可不早。而任之不可不亟亟也。使予初聽友言固不致病。或病既起。即請徐君速診。惟徐君是聽。示之以繕而後繕。示之藥而後藥。亦不至舊方誤投。滯食反覆。而纏綿如是之久。由此觀之。予之病也。或亦平日起居飲食之失宜。維持調護不力。以受病于無形。故致此歟。言念及此。予于吾社竊有所感焉。夫吾社今日同人多謂爲康健無病之社矣。而其先患病狀。同人或有未知也。予試舉而述之。初予與十數同志。痛中國商務之弱。發起斯社。藉以研究。而資振興。乃不旋踵。而同人失業。散處地方。聲氣不通。無從研究之病起焉。繼而同人見本社之病日危。乃不諒力。相與共集資費。而創研究書。藉以交通。而病稍愈。惟同人多非殷賈。罄囊之資僅足以供家事。重以集資刷印。實力有未逮。惟感于公義。力勉爲之而已。無何。社友漸多。印費更巨。本弱中焦之病又起焉。予數同人。雖勉支持。惟轍涸魚困。病勢日殆矣。乃不敢自任。而請同人爲之醫。許以撥歸公辦。分認書費。而中焦之病又愈。試辦數月。成效大著。入社更多。社事日繁。而社址未立。集會無從。社員覲面。有不相識。則隔癘之病又作。至是年正月大會。予發起捐借并行之法。同人知本社受病原因。各皆踴躍捐認。一舉而得金數百。始得暫租致祥三樓。以爲會所。而本社之病已三復而三愈矣。凡我同人庶幾謂今日日本社可完全無恙乎。未也。夫人之受病。初不自覺。其發之速者。愈之易。其發之緩者。愈之難。吾社今日又已隱有微疾。而同人未知也。例會之日。同人到者十止之一。能爲本社效力者。又十之一。夫吾社處于今日。非全體合力維持。萬難進步。而欲以十數社員之薄力。以辦不可限量之事功。正如使弱穉而舉百鈞。擲丸泥而塞東海耳。其可得乎。故予正恐本社受

病日深。一發而莫可挽救。日以恐懼。夕以焦思。未敢以完全無病目吾社也。如我同人不棄鄙言。而思藥以壽之。則當擴身世之觀念。公益之熱心。製以爲方。研以爲藥。使吾社佩服。凡一切之隱病。驅逐于無何有之鄉。則吾社方爲康健完全無病之社也。而後吾社。復爲別良楛。察宜否。滅涼血。進苦參。合審方藥。轉以饋我中國商民。分甘而同味焉。儒乎可以達目的。而振聵聵矣。若我同人不乘此有爲之時。出其秘藏之良藥。棄吾社而棄中國。無論吾社轉受其病。欲挽救而無從。即不然而囊有秘方。使棄而不用。亦與上醫醫國之孔聖。不遇于時。千古同慨耳。又即與予病困中秋。昧求良藥。師心自用。效果難收。同類而共笑也。豈不惜哉。今者予病愈矣。辦事如故。然痛定思痛。不得不以呻吟之狀。事勢之危。推類至盡而轉告同人。我同人關心社事者。庶其不我遐棄焉。則幸甚矣。九月上旬何球補記。

詩 歌

中國商業感賦七絕

礎 伯

自環球互市以來。中國商業日就頹敗。幾有不可收拾之勢。吾輩生當其時。感憂正未能已也。聊賦數章以見意云爾。并誌

商業凋零嘆逝流。漏卮如水幾時收。東南大陸風濤猛。彭湃西來劇可憂。目擊當時百計艱。圖強發奮否投間。興亡商業關全局。莫笑韓人盡厚顏。曠覽商情渙若沙。居奇壟斷各家家。市塵徵逐皆私利。話到聯羣與自賒。浩嘆東西術士多。百般獲利被搜羅。早知商戰非兒戲。願與同胞共執戈。

初入社偶感（七絕六章）

雲 臺

千古河山一戰秤。計然妙策可強兵。漏卮不解爭財政。策斂高談抵制聲。(痛時艱) 世事悲歌慷慨中。周官司市有流風。只今富國行新法。財賄逢人說早通。(振商業) 安危全仗出羣材。衆志成城風氣開。共賈合錢商戰裡。紛紛社會廣招徠。(結同人) 市廛溷跡未知名。價倍登龍願識荆。伏櫪堪伸千里志。感情一往寸心銘。(感知己) 泰西商務冠環球。格致工程詳且周。中土腦筋人器重。諸君努力善持籌。(資參攷) 廣開言路問芻蕘。絮語從頭女叫囂。羣策贊成公益事。好音慎莫吝瓊瑤。(望箴規)

小說

商業
小說 硃砂掌 (十一續)

敏學

無何岑石之責任漸重。而岑石之薪水亦漸優。岑石性樸實。不尚奢華。年餘漸有積蓄。日中所入。除寄回家用。及一己身上費用外。概放在銀號。又年餘。遂積千餘金。由是附股生意日多。經濟亦日裕。三年前之小販賣。今日居然大股東矣。

富貴而歸故鄉。此人之常情也。岑石拋家遠適。迄今三年。至此思家之念漸切。乃於某日約同梓里數人。共舟東歸。此數人爲何。即鄰鄉之何某陳某鍾某等是也。

時何陳鍾亦商於梧。辦米數十萬。共六艘。將帶回出售者。岑石亦攜有薯蕷數萬担。蓋預惻廣東薯蕷。不久大起價。故特揭款辦回。爲居奇特價者也。昔時汽船未通。自梧過穗。需時不尠。若風水俱順。則一周或十日可抵。若遇風水俱逆。則半月或廿日始到。時適東南風作。舟爲逆風行。而幸水向下流。猶不至與之俱逆。然數十灘頭。險阻已極。扁舟一葉。屈膝將旬。亦無聊之極也。岑石居此。煩悶特甚。所可稍慰岑寂者。只幸有梓里數人。得以竟日長談耳。(仍未完)